



**Cogitationes, Sive Considerationes Christianae Pro
singulis Anni diebus**

Complectens Octobrem, Novembrem, Decembrem

Nepveu, François

Monachii, 1709

Dies 6. De exiguo numero illotum, qui salutem æternam consequentur.

[urn:nbn:de:hbz:466:1-60533](#)

quid necessitati dedero, quidpiam corporis oblationi concedam; sed denique, ut creaturis non utar, nisi, quatenus eae ad te perducunt; qui solus felicem me reddere potes, quemadmodum summum bonum meum es.

Statue in omnibus actionibus tuis has regulas servare, quae in compendio continent totam prudentiam Christianam; & ab iis nunquam declinare; cum id facere nequeas, quin aberres.

Creaturæ factæ sunt in temptationem animalibus hominum, & in decipulam pedibus insipientium. Sap. 14. v. 11.

Ab uno te aversus, evanui in multa.

Aug. 2. Conf.

DIES VI.

De Exiguo Numero Eorum,
qui salutem æternam con-
sequuntur.

I.

Numerus eorum, qui salutem æternam consequuntur, perquam exiguus est: multi sunt vocati, inquit Servator, pauci vero electi. Hanc veritatem S. Scriptura dicitis verbis nobis indicat, eamque figuris,

I 3 &

November

& similitudinibus illustrat: Paucissimi fūre, inquit Apostolus, nempe octo, qui in arca vitam suam conservavere. Sola Lothi familia servata fuit à flammis, quæ magnas illas quinque civitates absumpserunt. E prodigiosa illa Israëlitarum multitudo, qui ex Ægypto exiēre terram Promissionis petituri, nemo fuit præter Josuen, & Calebūm, qui eam fūre ingressi. SS. Litteræ numerum Electorum comparant paucis illis olivis, quæ in arbore remanent, ubi illa concussa, & agitata fuit, & paucis illis racemis, qui post vindemiam in vineis relinquuntur; paucis illis spicis, quæ mesloris manum fefellere. Hæc est via illa aspera, & angusta, cuj pauci sese committunt; hæc est Janua illa, per quam non nisi pauci intrare possunt; hæc est illa civitas in monte sita, quem concendendi pauci habent animum.

II. Verūm, si hæc veritas non ita clare in SS. Litteris proponeretur, an vel sola ratio experientiā nixa dubium hac in re nobis relinqueret? ad salutem consequendam Evangelio nos oportet credere, juxta ejus axiomata vitam dirigere, Christum sequi, vitam nostram vitæ ipsius accommodare, ipsius exempla imitari: sine hoc salus æterna non obtinetur. Atque hic est articulus

fi.

fidei. At quis hoc agit? ad salutem con- November,
sequendam, oportet seipsum abnegare,
crucem suam portare, vim sibi inferre, a-
nimam suam odiſſe; id est, sensus suos
coercere, incompositos animi motus com-
primere, propensiones naturales, & carni
blandientes compescere. Quis hac de re co-
gitat? quis ad hoc obligari se credit? quis
contrarium non agit? ut proin secura regu-
la, cognoscendi, quid Evangelium nos do-
ceat, quidque agendum sit, in hoc consistat;
ut obſervemus, contrarium illi, quod ple-
riique agunt Christiani; an non ex hac re-
gula tutò judicare possumus, paucos salu-
tem consecuturos?

III. Quanta igitur nostra cæcitas est, ad
excusandam vitæ nostræ licentiam, præte-
xere ingentem illorum numerum, qui eò
se ab ripi patiuntur, ut dicant: plerique sic
vivere solent; cur nos aliter vivamus? ple-
riique hoc agunt; cur nos aliud agamus?
mala ratiocinatio, si ab Ethnico; pejor, si à
Christiano fiat. Ut proin bene ratiocene-
mur, contrarium penitus asserendum: ple-
riique hoc agunt, itaque hoc agere non li-
cet: cùm fides nos doceat, modicum esse
electorum numerum. Agendum proin
id, quod pauci agunt, ad salutem obtinen-
dam. Universalitas est bona regula, si de-

November. fide, non item, si de moribus loquamur.
 Lata, magis que trita via est, quæ ad integrum dicit; itaque ea vitanda. Illa, quam
 à paucioribus teri conspicis, ea est, quam
 terere debes, si æternam felicitatem adipisci cupis; idcirco, quod hæc eò te ducat.

Annon à torrente abripi te finis? an non aliorum exempla ad delicta tua comprobanda apud te prevalent? statue contrarium sequi, secundum Evangelium vivere, & non secundum consuetudinem; idque agere, quod pauci agunt, si particeps esse cupis felicitatis, quam pauci posse debunt.

Multi sunt vocati; pauci verò electi.
Matth. 20. 16.

Esto de numero paucorum, si vis esse de numero Salvandorum. Aug.

DIES VII.

Pœnitentia Ad Vsque Mortem non differenda.

I.

Pœnitentiam agere oportet; hoc non diffiteris: fides te docet, peccatorem sine pœnitentia salutem consequi non posse, & te peccatorem esse nosti; id si è superbia inficias ires, conscientia propria men-